



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 4. 2018

Kotisá ... òf No Kotisá?

Bo ke drenta den e akshon? Bo ke tuma parti den tur e prèt? Bo ke hiba bo kompania na e próximo nivel? Laga nos amplia riba....

Mas i mas kompania ta mira DCSX komo un manera pa rekoudá fondo. Bo tambe ta interesá pero no ta sigur kon? Bo tin pregunta pero no ta sigur unda di kuminsá, ken pa hasi pregunta na dje? Kiko ta e eksigensianan? Kiko bo mester hasi? Mi kompania ta kalifiká? Ki tipo di kompania ta legalmente permití pa yuda mi i kua ta e kompanianan ei? Kon mi por topa nan? Ta karu pa kotisá? Mi ta sigur ku e preguntanan aki i podisé mas pregunta semehante ta sirkulá den bo mente. Laga mi trata di yuda ku algun di nan òf por lo ménos dirigí bo den e direkshon unda bo por haña ayudo mas aleu.

E proseso di kotisashon pa akshonnan, bononan i fondonan a wòrdu ampliamente diskutí den e konferensia resientemente di spònsor dor di DCSX ku a wòrdu tené den e auditorio di e Banko Sentral 29 di mart ultimo. E tabata masha komprensibel i mi a pensa ku lo ta un gran idea pa mi kompartí mas riba e proseso ku boso mi lektornan apresia.

Na promé lugá bo lo tin mester di un asina yamá Konsehero di Kotisashon (“Listing Advisor”). Tuma kontakto ku unu sertifiká. Un lista Konseheronan di Kotisashon di ta disponibel riba e website (www.dcsx.cw/listing-advisors) di <http://www.dcsx.cw/contact/>. E Konsehero di Kotisashon sa kon e proseso ta funshoná i por duna bo tur informashon ku bo kompania tin mester pa start e proseso. Nan lo no solamente duna konseho tokante e dokumentonan ku ta rekerí pero tambe yuda bo ku preparashon di algun si no mayoria di e dokumentonan. Manera bo por imaginá bo, tin un kantidat di pida di informashon importante tokante e kompania i maneho ku lo mester wòrdu presentá. Pero no spanta, esaki no ta mas ku loke normalmente ta rekerí dor di e banko si bo ke hasi un fianza.

E dokumento mas importante ku e Konsehero di Kotisashon lo yuda bo prepará ta e prospekto. E prospekto ta manera un propuesta di un business plan, ku ta duna e públiko informashonnan básiko tokante bo kompania, di kon bo ta buskando e fondonan i kiko bo tin planiá di hasi ku e sènnan ku bo rekoudá. Esaki no ta úniko òf inusual, e dokumento ta un dokumento standart ku ta wòrdu prepará den hopi si no den tur otro pais ora un kompania ta aserká e públiko pa finansiamentu.

Bo lo tin mester di un Broker (www.dcsx.cw/list-brokers) tambe; algun konsehero di kotisashon ta broker tambe. Ora e Konsehero di Kotisashon logra haña lus bèrdè pa kotisá e bononan (òf por sierto akshonnan) pa bo kompania, awor ta toka turno na e Broker pa yuda bo plama notisia na públiko ku bo bononan (akshonnan) ta atraktivo pa nan kumpra. E Broker ta duna bo aksesu na e públiko; na esnan ku ta kapas pa invertí den bononan of akshonnan di bo kompania.

Ta importante tambe pa e kuantanan finansiero di bo kompania ta na òrdu. Aunke ku DCSX no ta eksigí ku kuantanan anual di audit mester wòrdu prepará pa bo kompania kotisá un bono òf akshon, bo Mester tin kuantanan anual adekuá pa bo akshonistanan potensial por averiguá. Mi lo rekomendá di laga audit bo kuantanan. Por ta e ta un poko karu, pero e por evitá hopi doló di kabes pa bo den futuro.

Tin un par di komponente mas den e proseso, por ehèmpel por ta bo mester haña un òf otro tipo di aprobashon di e Banko Sentral den kaso di un bono, pero mi ta kere ku mi a highlight e puntonan esensial. E Konsehero di Kotisashon i e Broker lo por yuda bo evaluá bo potensial pa bini na remarke i e gastu di kotisashon komo kiera ku e ta diferente dependiente di bo kompania i di ken bo ta asosiá kuné. Tin otro puntonan importante ku ta hunga un ròl, por ehèmpel e wardadó (Custodian) ku ta mantené e bononan elektrónikamente safe, e instansia ku ta hasi e pagonan (Paying Agent) i ku ta sigurá ku e invershonistanan den bo bono ta risibí nan pagonan di interes i pa kotisashonnan mas resien, un areglista ku lo por manehá tur e diferente relashonnan i partinan ku ta move.

E no ta tan difísil manera e ta parse. E ta hopi mas fásil ku bo ta pensa. Awor ku bo tin e informashon den bo gara, no perdé oportunidad di hasi un finansiamentu sabí!

Sigui Skina di Invershonista pa tur loke bo mester sa tokante Kreashon di Rikesa!

E editorial aki a wòrdu presentá na bo pa DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.



dcsx.cw



vertexinv.com